

ONTZIA



Esperantza barriz puztuta,
¿Zoakuz zoroa, pozez urera?
Biurtu zakiguz, biurtu,
Urden egin dozun lekura atzera.

¿Ez dozu gomutan lengoan,
Estutu zinduzan ekach gaiztoa?
Fortuna atzean barriro,
¿Zoakuz orrelan, ontzi gaisoa?

Ondarrezko menditzarrakaz
Beterik dagotzu urezko landa,
Nai ta ez damutuko jatzu,
Basoaz jarraitzen aurrera bada.

Zoroa, erdu bai atzera,
Oraindik denpora zuk badaukazu,
Oraindik emen dabiltz bagak,
Konchakaz egiten ondo jolastu.

Bertatik doaz ekitera,
Boladak ach mustur onei pelean,
Neptunok ikusi zagizan,
Triskauta zatika uren gañean.

Daukazun edertasun orrek,
Ekacha bapere ez dau bildurtzen,

Asi da tronpetea joten,
Urrindik durundu otsa bialtzen.

¿Balio ai dabe Euro-ren,
Kontra gaur dituzun zure indarrak?
Naiz euki ustez piloto ta
Mariñel besoz azkarrak?

Jakizu, Euro-k zelan daukan,
Kristalez egiña bizi tokia,
Goisetan errezibitzeko,
Eguzki ederra urrez jantzia.

Jakizu, zelan dan altsua,
Oitua izaten bai, agintari,
Zu lako ontzicho bat gaitik,
Gichicho ardura jako berari.

Jakizu, zelan atzo bere,
Ontzi bat zu legez desafioan,
Aisiaz abiau zan eta
Orra, gaur galdurik zelan dagoan.

Len eukan fama aiñ andia,
Galduta, aurkitzen da lotsagarri,
Or dago ichas bazterrean
Ach kontran eginda erdi erdi bi.

Trumoia urrerago da ta
¿Etzaitu bapere atzeratuten?
Zabalago belok jarrita
Lurretik zoakuz urriñagotzen?

Erdu bai, erdu bai, maitea,
Zatoz bai, zatoz bai, kayara laster,
Eguzki errañuz betea,
Lotara etzanda, gorde baño len.

Begira zati bat zerua,
Soñeko baltzagaz eginda jantzi,
Odeiak badabiltz gertetan,
Burrukan nai dabe asi.

Ontziak berea aurrera,
Odeiak burrukan abiau ziran,
Boladak indarrak artuta,
Ekachak artuten dabe erdian.

¿Nok librau arrisku artatik?
¿Nok poztu orduan ontzi tristeia?
Laguntzen ez balitza jatsi,
Zerutik kristauen gordetzallea?

Jatsi zan guztioen Ama,
Jatsi zan Dontzella Ama Maria,
Nok daukan bere otzeñetan,
Kontuta ardura andia.

Gordeizu modu berberean
¡O! Ama euskaldun gure ontzia,
Ekachez aurkitzen dalako,
Barru eta kanpo dana josia.

Ez dakust iñon pozgarririk,
Ezpada zuregan Ama maitea,
Bakarrik zu zara ostarku,
Daikezuna jatsi zarren bakea.

FELIPE ARRESE TA BEITIA.